



**Timersoqatigiit  
Kattuffiat**  
Grønlands Idrætsforbund



## **SULEQATIGIINNISSAMUT ISUMAQATIGIISSUT**

**Kommune Qeqertalik aammalu Kalaallit  
Nunaannilu Timersoqatigiit Kattuffiata  
suleqatigiinnissamut isumaqatigiissutaat**



**Timersoqatigiit  
Kattuffiat**  
Grønlands Idrætsforbund



## **Suleqatigiinnissamat isumaqatigiissutip siunertaa**

Suleqatigiinnissamat isumaqatigiissummi matumani Kommune Qeqertalik Kalaallit Nunaannilu Timersoqatigiit Kattuffiata (matuma kingorna "suleqatigiittut" taagorneqassapput) akornanni suleqatigiiffiusinnaasunut periarfissat suunersut nassuiaatiginissaat siunertaavoq.

Suleqatigiinnissamat isumaqatigiissutip uuma suleqatigiit siunissami qaninnerusumi suleqatigiinnissamik siunertaqarnerat taamaallaat naqissusermagu, suleqatigiit tamatuma kingorna suleqatigiinnermi sinaakkutissanik aalajangersaanissamat tigussaasunik isumaqatigiissuteqarniarumaarput.

Taamaammat suleqatigiinneq Kommune Qeqertalik ataatsimoorluni peqqissuunissamat, timersoqatigiinnissamat kikkunnillu tamanik inissaqartitsilluni ataatsimoorfeqarnissamat suliniutit patajaallisarnissaannik pingaarnertut siunertaqarpoq, tassungalu ilaallutik:

- 1) Kommune Qeqertalik-mi innuttaasut kikkulluunniit najukkami timersornissamat neqeroorutit aqqutigalugit ajornaatsumik peqqissuunissamat, timersornissamat kikkunnillu tamanik inissaqartitsilluni ataatsimoorfinnut peqataanissamat periarfissaqassasut.
- 2) Innuttaasut timersornerulernermik, atugarissaarnerulernermik peqqinnerulernermillu angusaqarfiusunik avatangiiseqartinnissaat
- 3) Kinguaariit timersornikkut ataatsimoorfeqartilerlugit

## **Aallarniut**

Suleqatigiit ataatsimoorlutik Kommune Kommune Qeqertalik -mi innuttaasunut kikkunnik tamanik inissaqartitsisumik peqqinnartumillu avatangiiseqartitsinissaq takorluugaraat. Tassunga ilanngullugu kommunimi inuunerissaarnissaq anguniarlugu pingaarnertut aallussanut tapersiutitut sunngiffimmi eqeersimaartumik pimoorussisumillu inuuneqarnissaq sammineqangaatsiarpoq.



**Timersoqatigiit  
Kattuffiat**  
Grønlands Idrætsforbund



Kalaallit Nunaanni Timersoqatigiit Kattuffiat nunatsinni innuttaasut nunarsuarmi timimik aalatitsinerpaanngornissaannik takorluugaqarpoq. Kalaallit Nunaanni Timersoqatigiit Kattuffiata timersornerup timimillu aalatitsinerup kalaallit inuunerissaarnerulernissaannut aqqutissiuussisinnaanerit uppera, matumanilu pinnguarneq, timimik aalatitsineq, nuannaarneq, ataatsimoorneq pinngortitamilu misigisassarsiorneq qitiupput. Tamatuma angunissaanut kattuffiit, peqatigiiffiit, pisortaqarfiit suliffeqarfiillu namminersortut akornanni pimoorussilluni suleqatigiittoqartariaqarpoq.

Aaqqissuulluakkamik tamakkiisumillu isiginnilluni sulinikkut suliassaqarfiit assigiinngitsut akimorlugit ataatsimoorussamillu tunaartaqarluni suleqatigiinnissaq pisariaqarpoq. Tamanna Kommune Qeqertalik -mi innuttaasut peqqinnerusumik eqeersimaarnerusumillu inuuneqarnissaat inuunerissaarnerulernissaallu qulakkeerneqassappata pisariaqarpoq.

### **Tusagassiutinut nalunaarutit attaveqarnerlu**

Takorluukkanut isumaqatigiissut najukkami nunalu tamakkerlugu tusagassiutitigut paasissutissiisutiginneqassaaq. Suleqatigiinnissamut isumaqatigiissut Kommune Qeqertalik-up kiisalu Timersoqatigiit Kattuffiata nittartagaasigut inuillu nittartakkatigut katerittarfiisigut immikkut ittumik sammineqassaaq. Ingerlaavartumik attaveqatigiittarnerit suliniullu pillugu oqaaseqartarnerit suleqatigiit akornanni isumaqatigiissutigineqarlutillu ataqatigiissarneqassapput, taamatuttaarlu isumaqatigiissusiorneq tamaat isigalugu ataatsimoorussamik attaveqatigiinnissamut najoqqutassiortoqassaaq. Suliniutip ingerlanerani attaveqatigiinneq ersarissuserlu iluatsilluassappata taakkuninnga suliaqartussanik immikkoortitsisoqassaaq.

### **Suliniutip ingerlarnga**

Timersoqatigiit Kattuffiata kiisalu Kommune Qeqertalik-up isumaqatigiissutinik, aqutsisoqatigiit suleqatigiissitallu ataatsimiinnerinut imaqarnilianik killiffissiorlunilu ataatsimiinnernik isumaginnittussanik sulisussaqaartitsissapput. Tassunga ilanngullugu suleqatigiinnissamut isumaqatigiissutip ingerlanissaanut pilersaarusiortoqassaaq, matumani ilaatigut siunertaq, suliassat piffissaritarlu nassuiaatiginneqassallutik.



**Timersoqatigiit  
Kattuffiat**  
Grønlands Idrætsforbund



## **Siunissami periarfissat**

Suleqatigiinnissamut isumaqatigiissut Kommune Qeqertalik-mi innuttaasut timersornerisa, timikkut tarnikkullu peqqinnerisa inuunerissaarnerisalu siuarsarnissaannut toqqammavissiivoq. Suleqatigiinneq innuttaasut kommunillu qaninnerusumik suleqatigiinnerannik kiisalu Namminersorlutik Oqartussanik, aningaasaateqarfinnik, kattuffinnik inuussutissarsiortunillu suleqateqarnerulernermik imaqartumik pilersaarusiortluni suliniuteqarnissamut ammaassivoq.

## **Tamatigut najoqqutassaq**

Suleqatigiit suleqatigiinnissamut isumaqatigiissutip matuma illuatungeriinnut tamanut sutigullu tamatigut inatsisitigut pituttugaaffiunnginnera isumaqatigiissutigalugu, tamatumalu kingorna nassuiaatinut, suliniutip pilersaarusiortneranut, pisinnaatitaaffinnut, isumalluutunik aalajangersaanernut assigisaannullu sinaakkutiviusussanik aalajangersaanissaminnut periarfissarsiorniartut.

Suleqatigiinnissamut isumaqatigiissutip matuma tamatumalu kingorna isumaqatigiissutit imaluunniit isumaqatigiissutaasinnaasut, illuatungeriit suliniutinut assingusunut atatillugu allanik suleqateqarsinnaanerannik killilersuinissaq siunertarinngilaa.

## **Atsiortut**

Kommune Qeqertalik

Timersoqatigiit Kattuffiat

Borgmester  
Ane Hansen

Siulittaasoq  
Claus Nielsen